



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e – mail: info@voda.ba

Broj: **UP-1/21-3-40-665-4/22**
Datum: **06.02.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica «ZAHA» d.o.o. Žepče za donošenje Rješenja o vodnoj dozvoli za ispuštanje tehnoloških i oborinskih onečišćenih otpadnih voda u prirodni recipijent sa lokacije objekta benzinske pumpe sa autopraonicom, vulkanizerskom radionicom i ostalim pratećim sadržajima, izgrađenog u naselju Željezno Polje, općina Žepče, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «ZAHA» d.o.o. Žepče daje se vodna dozvola za ispuštanje tehnoloških i oborinskih onečišćenih otpadnih voda u prirodni recipijent sa lokacije objekta benzinske pumpe sa autopraonicom, vulkanizerskom radionicom i ostalim pratećim sadržajima, izgrađenog u naselju Željezno Polje, na zemljištu označenom kao k.č. broj: 1392/3 K.O. Željezno Polje, općina Žepče.
2. Ova vodna dozvola se odnosi isključivo za ispuštanje tehnoloških i oborinskih onečišćenih otpadnih voda u prirodni recipijent sa lokacije objekta definisanog tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona ili općina/grad, ukoliko je kantonalnim propisom prenesena nadležnost na općinu/grad, shodno stavu (3) istog člana zakona.
3. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i manipulativnih površina, kao i tehnološke otpadne vode iz autopraonice nesmetano sakupljaju i odvoje do objekta predviđenog za tretman onečišćenih voda (separator ulja i masti), a zatim ovako tretirane vode ispuštaju u rijeku Željeznicu sa krajnjim ispustom u rijeku Bosnu.
 - 3.3. Prečišćene tehnološke i oborinske onečišćene otpadne vode moraju ostati u maksimalno dopuštenim granicama definiranim članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.4. Da se u periodu važenja ove vodne dozvole blindira ispust tehnoloških otpadnih voda u rijeku Željeznicu sa platoa i kanala korištenih za pranje autobusa i drugih vozila smještenih neposredno uz objekat predmetne benzinske pumpe.
 - 3.5. Objekte čija je svrha odvođenje i prečišćavanje oborinskih onečišćenih otpadnih voda (separator ulja i masti, slivne rešetke, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz separatora ulja i masti.
 - 3.6. Skladištenje nafte i naftnih derivata vršiti u dvoplašnom podzemnom čeličnom rezervoaru zapremine 29m³.
 - 3.7. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine («Službene novine Federacije BiH», broj 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.

- 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 3.9. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.10. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.11. Talog iz separatora se ne smije ni privremeno odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu predmetne benzinske pumpe obuhvaćene ovom vodnom dozvolom, korisnik zaštitnih vodnih objekata nije odgovoran za nastale štete.
8. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. U ovoj upravnoj stvari plaćene su sve upravne pristojbe.
11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 2 (dvije) godine od dana pravosnažnosti ovog rješenja.
12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, «ZAHA» d.o.o. Žepče, dana 20.12.2022. godine, podnijelo je ovoj Agenciji zahtjev za izdavanje vodne dozvole za ispuštanje tehnoloških i oborinskih onečišćenih otpadnih voda sa lokacije objekta benzinske pumpe sa autopraonicom, vulkanizerskom radionicom i ostalim pratećim sadržajima, izgrađenog u naselju Željezno Polje, na zemljištu označenom kao k.č. broj: 1392/3 K.O. Željezno Polje, općina Žepče.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-21-000645 izdatog dana 21.07.2021. godine izdatog od strane Općinskog suda u Zenici,
- Kopija Uvjerenja o poreznoj registraciji izdatog dana 08.02.2021. godine od strane Porezne uprave Federacije BiH - Kantonalni porezni ured Zenica,

- Kopija Uvjerenja o registraciji/upisu u Jedinstveni registar indirektnih poreza broj: 04/1-17-1-UPJR/1-1575-2/21 izdatog dana 07.04.2021. godine od strane Uprave za indirektno-neizravno oporezivanje Banja Luka,
- Kopija Rješenja o upotrebi objekta benzinske pumpe sa pratećim uslužnim i servisnim sadržajima UP-I broj: 03-23-5-1658/14 izdatog dana 16.10.2014. godine od strane Službe za graditeljstvo i prostorno uređenje Općina Žepče (rješenje izdato za «BEĆIROVIĆ» d.o.o. Žepče),
- Kopija Ugovora o zakupu poslovnog prostora zaključenog dana 29.07.2021. godine između «BEĆIROVIĆ» d.o.o. Žepče i «ZAHA» d.o.o. Žepče te notarski ovjerenog od strane Gordana Nalić-notar iz Žepča,
- Kopija Rješenja o vodnoj saglasnosti broj: UP-I/25-2-40-122-2/14 izdatog dana 04.03.2014. godine od strane «Agencije za vodno područje rijeke Save» Sarajevo (rješenje izdato za «BEĆIROVIĆ» d.o.o. Žepče),
- Kopija Rješenja o vodnoj dozvoli broj: UP-I/25-3-40-268-4/14 izdatog dana 23.07.2014. godine od strane «Agencije za vodno područje rijeke Save» Sarajevo (rješenje izdato za «BEĆIROVIĆ» d.o.o. Žepče),
- Kopija Izvještaja o monitoringu kvaliteta i kvantiteta otpadnih voda «ZAHA» d.o.o. Žepče PJ Benzinska pumpa Žepče broj: 948/22, juni 2022. godine urađen od strane «Inspekt-RGH» d.o.o. Sarajevo,
- Kopija Ugovora o izvođenju radova na čišćenju separatora broj: 01-12/22-DS od 22.12.2022. godine zaključenog sa «DELTA PETROL» d.o.o. Kakanj,
- Kopija radnog zapisnik računa o čišćenju separatora broj: 03/12/22 od 27.12.2022. godine sa računom broj: 004153-1 od 28.12.2022. godine,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog objekta dana 02.02.2023. godine i tom prilikom je sačinjen Zapisnik o uviđaju broj: UP-1/21-3-40-665-3/22.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni objekat benzinske pumpe izgrađen je u naselju Željezno Polje, općina Žepče. Objekat se sastoji od uslužno-prodajnog dijela, nadstrešnice sa automatima za istakanje goriva, podzemnog rezervoara za skladištenje goriva, prostora za pranje vozila, vulkanizerske radionice, radno-manipulativnih površina te separatora masti i ulja. Radne, saobraćajne i manipulativne površine su završno obrađene asfaltom odnosno betonom, sa padovima prema slivnim rešetkama i slivnicima.

Od strane ove Agencije ranije je za predmetni objekat izdato Rješenje o vodnoj dozvoli broj: UP-I/25-3-40-268-4/14 od 23.07.2014. godine na traženje pravnog lica «BEĆIROVIĆ» d.o.o. Žepče sa kojim je «ZAHA» d.o.o. Žepče potpisao Ugovor o zakupu poslovnog prostora dana 25.07.2021. godine na neodređeno vrijeme.

Oborinske onečišćene otpadne vode sa saobraćajnih i manipulativnih površina se prikupljaju sistemom slivnih rešetki i kanizacione mreže, te zajedno sa tehnološkim otpadnim vodama nastalim pranjem vozila i prostora za popravak vozila odvođene na tretman u separator masti i ulja sa koalescentnim filterom. Ispust prečišćenih voda je preko okna za monitoring u rijeku Željeznicu sa krajnjim ispuštom u rijeku Bosnu.

Čišćenje separatora se radi redovno od strane ovlaštenog pravnog lica «DELTA PETROL» d.o.o. Kakanj (priložen radni zapisnik o čišćenju separatora od 27.12.2022. godine sa računom).

Osim natkrivenog dijela objekta korištenog za pranje vozila, neposredno uz objekat benzinske pumpe izgrađen je nenatkriveni plato sa betonskim kanalom i rešetkom korištenim za pranje autobusa i ostalih vozila. Ispust tehnoloških otpadnih voda nastalih pranjem autobusa i drugih vozila je direktno, bez tretmana u rijeku Željeznicu. Prema izjavi predstavnika podnosioca zahtjeva, autobusi se više ne peru na predmetnoj lokaciji.

Smještaj goriva se vrši u ukopanom podzemnom dvoplašnom čeličnom rezervoaru zapremine 29 m³. Snabdijevanje vodom predmetnog objekta je obezbijeđeno sa mjesnog vodovoda a prikupljene sanitarno-fekalne otpadne vode se ispuštaju u septičku jamu.

Monitoring otpadnih voda se vrši redovno. Na uvid je dostavljen Izvještaj o monitoringu kvaliteta i kvantiteta otpadnih voda «ZAHA» d.o.o. PJ Benzinska pumpa Žepče, juni 2022. godine urađenog od strane «Inspekt-RGH» d.o.o. Sarajevo. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) i tačka cc) Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka konstatuje se da je podnosilac zahtjeva «ZAHA» d.o.o. Žepče ispunio minimum uslova za izdavanje vodne dozvole za ispuštanje tehnoloških i oborinskih onečišćenih otpadnih voda u prirodni recipijent sa lokacije objekta benzinske pumpe sa autopraonicom, vulkanizerskom radionicom i ostalim pratećim sadržajima izgrađenog u naselju Željezno Polje, općina Žepče te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-665-2/22 od 05.01.2023.godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju:

Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- «ZAHA» d.o.o. Žepče
Donja Golubinja bb, 72230 Žepče
- AVP Sava, ISV-vodna knjiga
- Sektor 50
- Sektor 40 – arhiva
- oglasna ploča – AVP Sava